



Broj: 04-11-2-952/26
Datum: 14.04.2026. godine

IZVJEŠTAJ O IZVRŠENJU BUDŽETA

OPĆINE TEŠANJ ZA I KVARTAL 2026. GODINE

Članom 92. Zakona o budžetima u Federaciji Bosne i Hercegovine ("Službeni glasnik Federacije Bosne i Hercegovine", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) definisana je obaveza izvještavanja Općinskog vijeća o izvršenju budžeta na kvartalnom nivou. Shodno tome sačinjen je ovaj izvještaj sa osnovnim informacijama i pokazateljima realizacije usvojenog Budžeta za 2026. godinu. Osnov za izvršenje Budžeta Općine u 2026. godini čine dokumenti: Budžet Općine Tešanj za 2026. godinu ("Službeni glasnik Općine Tešanj", broj: 12/25), Odluka o izvršavanju Budžeta Općine Tešanj za 2025. godinu ("Službeni glasnik Općine Tešanj", broj: 12/25), Odluka o izmjenama i dopunama Budžeta Općine Tešanj za 2026. godinu ("Službeni glasnik Općine Tešanj", broj: 1/26 i 3/26).

Izvršenje budžeta

Prihodi, primici i finansiranje Budžeta Općine u izvještajnom periodu iznosili su **8.425.799,19 KM (6.529.122,30 KM 2025. godine)**, a sa uključenim prijenosom sredstava iz 2025. godine od 6.862.134,05 KM (4.960.537,13 KM 2025. godine) izvršenje iznosi **15.287.933,24 KM (11.489.659,43 KM 2024. godine)**. Rashodi, izdaci i povrat sredstava od finansiranja iznosili su **4.177.759,85 KM (3.688.594,47 KM 2025. godine)**, a u sistemu trezora su **izvršene i evidentirane rezervacije nabavki od preko 7,4 miliona KM (ugovoreni i pokrenuti postupci utroška, koji još nisu fakturisani i plaćeni)**.

U izvještajnom periodu je iskazan suficit od 4.248.039,34 KM. Kao i proteklih godina, osnovni razlog iskazanog suficita tekućeg perioda je vezan za dinamiku realizacije planiranih aktivnosti. Pokrenute su javne nabavke, kako u protekloj tako i u tekućoj godini, koje se sada nalaze u realizaciji od preko 7,4 miliona KM. To znači da je proces odabira izvođača i ugovaranja u toku, ili su aktivnosti ugovorene i nalaze se u fazi realizacije, dok su neki od projekata okončani ali fakture za izvršene usluge i radove nisu pristigle do pripreme ovog izvještaja a odnose se na izvještajni period. Ovdje je uključen i dio ugovora prenesen iz 2025. godine za realizaciju u tekućoj godini.

Ugovoreni projekti iz prethodne godine iznose 5.075.671,88 KM.

Izvršenje prihodovne strane Budžeta

Kako je to već naglašeno, prihodovna strana Budžeta u izvještajnom periodu je ostvarena u većem iznosu od planiranih linearno definisanih prihoda I kvartala za 230.799,19 KM, a sa uključenim prijenosom sredstava iz prethodne godine uvećanje iznosi 5.377.433,24 KM.

Ostvarenje prihoda, primitaka, prenesenih sredstava i finansiranja po osnovnim grupama je iskazano u narednom tabelarnom pregledu uz iskazani procent ostvarenja u odnosu na linearno definisani nivo I kvartala i ukupan godišnji Budžet za 2026. godinu.

PRIHODI, PRIMICI I FINANSIRANJE

TABELA 1.

EKONOMSKI KOD	PRIHODI I PRIMICI	BUDŽET ZA 2026. GODINU	LINEARNI IZNOS ZA I KVARTAL 2026. GODINE	OSTVARENJE ZA I KVARTAL 2026. GODINE	PROCENT IZVRŠENJA U ODNOSU NA GODIŠNJI PLAN (5/3)	PROCENT IZVRŠENJA U ODNOSU NA KVARTALNI PLAN (5/4)
1	2	3	4	5	6	7
	I PRIHODI OD POREZA	19.142.000,00	4.785.500,00	4.595.725,59	24,01%	96,03%
711000	Porez po staroj zakonskoj regulativi	2.000,00	500,00	18,75	0,94%	3,75%
714100	Porez na imovinu	2.950.000,00	737.500,00	923.332,04	31,30%	125,20%
716000	Porez na dohodak	7.200.000,00	1.800.000,00	1.751.977,60	24,33%	97,33%
717000	Prihodi od indirektnih poreza sa jedinstvenog računa	8.990.000,00	2.247.500,00	1.920.385,22	21,36%	85,45%
7152-900	Posebni porezi	0,00	0,00	11,98	-	-
	II NEPOREZNI PRIHODI	4.808.000,00	1.202.000,00	1.101.175,11	22,90%	91,61%
721000	Prihodi od preduzetničkih aktivnosti i imovine	552.000,00	138.000,00	253.388,47	45,90%	183,61%
722000	Naknade, takse i prihodi od pružanja javnih usluga	4.131.000,00	1.032.750,00	783.230,99	18,96%	75,84%
723000	Novčane kazne i ostali prihodi	125.000,00	31.250,00	64.555,65	51,64%	206,58%
	III TEKUĆI GRANTOVI	1.940.000,00	485.000,00	506.677,76	26,12%	104,47%
	IV KAPITALNI GRANTOVI I PRIMICI	6.590.000,00	1.647.500,00	2.200.095,77	33,39%	133,54%
	V PRENESENA SREDSTVA IZ PRETHODNE GODINE	6.862.000,00	1.715.500,00	6.862.134,05	100,00%	400,01%
	VI FINANSIRANJE	300.000,00	75.000,00	187.548,64	7,37%	29,50%
	UKUPNI PRIHODI I PRIMICI	39.642.000,00	9.910.500,00	15.282.353,24	38,56%	154,26%

Zvezdice predstavljaju dodatna pojašnjenja za uvećana ostvarenja pojedinih grupa prihoda:

() Prijenos sredstava se u cijelosti evidentira u prvom kvartalu tekuće godine.*

Porezni prihodi

Porezni prihodi čine 54,54% prihoda i primitaka u ovom izvještajnom periodu bez prenesenih sredstava. Ostvareni su sa 96,03% budžetskih sredstava linearno definisanih za I kvartal. U odnosu na godišnji Budžet ova grupa prihoda je ostvarena sa 24,01% planiranih sredstava.

Ova grupa prihoda se sastoji od direktnih i indirektnih (PDV i dr.) poreza. Ostvarenje ove dvije podgrupe i njihovo kretanje u odnosu na planirane iznose se znatno razlikuje, a osnovne karakteristike su iskazane u narednom dijelu Izvještaja.

Direktni porezi su ostvareni u većem obimu od planiranog za 5,41%. Karakteristika ovih prihoda je direktna vezanost za visinu prikupljenih prihoda na teritoriji Općine, pa samim tim i direktna vezanost za privredne i ekonomske tokove lokalne zajednice. Ova podgrupa je ostvarena u većem obimu i u odnosu na prihode iz 2025. godine za čak 26,35%, odnosno 609.847,72 KM. Osnovni razlog uvećanog ostvarenja je izmjena zakonske regulative ZDK, te rast prosječnih plata i prometa na teritoriji Općine, a što je i bilo osnov za izradu rebalansa budžeta već u martu tekuće godine. **Naglašavamo da značaj ove podgrupe prihoda konstantno raste. Tako je u izvršenju budžeta ova podgrupa sada veća od podgrupe indirektnih poreza za 39%, prošle godine za 29%, dok je u 2021. godini je bila manja za 17%.**

Za razliku od prve, druga podgrupa (indirektni porezi - PDV i dr.) je ostvarena sa umanjnjem od 14,55% u odnosu na planirana sredstva. Kao i proteklih godina, može reći da je umanjeno ostvarenje vezano isključivo za dinamiku realizacije, budući da se svega 21% ovih prihoda naplati u I kvartalu. To je uzrokovano otplatom vanjskog duga Federacije Bosne i Hercegovine koja se u najvećoj mjeri realizuje u I kvartalu. Stoga se na godišnjem nivou, u skladu sa dinamičkim planom realizacije, može očekivati ostvarenje u približno planiranom obimu.

Karakteristika ovih prihoda je nepostojanje veze visine prikupljenih prihoda sa teritorije općine Tešanj i njihove raspodjele općini Tešanj. **Nasuprot direktnih poreza, ovaj prihod ne zavisi od privrednih i ekonomskih tokova lokalne zajednice, a procent uplate javnih prihoda je daleko veći od procenta sredstava koja se vrate Općini u odnosu na druge JLS Federacije Bosne i Hercegovine.**

Neporezni prihodi

Neporezni prihodi su u izvještajnom periodu ostvareni umanjeno za 8,39% u odnosu na linearno definisana sredstva I kvartala. Dvije od tri podgrupe ove grupe prihoda su ostvarene u većem obimu od planiranog. Uvećanje obje podgrupe je vezano za dinamiku realizacije. Podgrupa „Prihodi od preduzetničkih aktivnosti i imovine“ je ostvarena uvećano za 8,61% kvartalnog nivoa planiranih prihoda zbog prijenosa sredstava koncesija iz prethodne godine za realizaciju u tekućoj godini kroz Plan kapitalnih investicija za 2026. godinu. Druga podgrupa „Novčane kazne i ostali prihodi“ je uvećana za 106,58% zbog uplate prihoda od naplate parkinga u 2025. godini koja je izvršena po podnošenju godišnjeg obračuna od strane JP Rad d.d. Tešanj. Očekuje se da obje podgrupe budu ostvarene u planiranom obimu, bez uvećanja na godišnjem nivou.

Treća podgrupa ove grupe prihoda „Naknade, takse i prihodi od pružanja javnih usluga“ je ostvarena u manjem obimu za 24,16% od linearno definisanog nivoa prihoda. I u ovom dijelu se može reći da je dinamika realizacije razlog odstupanja od planiranog nivoa prihoda, samo u obrnutom smjeru. Prije svega prihod od komunalne naknade koji je ostvaren manje za blizu 150.000 KM linearno definisanog nivoa se naplaćuje nakon razrez obaveze obveznika koja se vrši u II kvartalu. Tek nakon razreza obaveze, započet će i uplate obveznika i ostvarenje prihoda tekuće godine.

Tekući grantovi

Tekući grantovi u izvještajnom periodu su ostvareni uvećano za 4,47% linearno utvrđenog nivoa I kvartala.

Razlog uvećanja se nalazi i u prijenosu prihoda iz prethodne godine u visini od 209.321,88 KM. Radi se o doznačenim namjenskim sredstvima za zapošljavanje i samozapošljavanje ZE-DO kantona koja će se utrošiti u tekućoj godini, zbog čega su ista i prenesena i na strani prihoda. Pored toga Budžetom Kantona su planirana sredstva grantova svih ranije uspostavljenih vidova boračke zaštite, tako da se u narednom periodu očekuju sredstva po osnovu stipendija, troškova liječenja, stambenog zbrinjavanja, vanrednih pomoći i drugog.

Grantovi Fonda za zaštitu okolišta su ostvareni u većem obimu od planiranog, kao i u izvještajnom periodu protekle godine. Stoga se može teći da ovaj prihod kontinuirano raste u skladu sa rastom prometa na teritoriji naše Općine, te se može očekivati dostizanje izvršenja od 600.000,00 KM na godišnjem nivou.

Kapitalni grantovi

Kapitalni grantovi su takođe ostvareni uvećano u odnosu na linearno planirana sredstva I kvartala. Uvećanje iznosi 33,54% sredstava I kvartala. Razlog tome je, kao i kod tekućih grantova, prijenos doznačenih sredstava iz prethodnih godina u ukupnoj visini od 1.417.877,61 KM. U okviru izvještaja o izvršenju budžeta za 2025. godinu je dato šire objašnjenje i pregled prijenosa namjenskih grant sredstava. Pored prijenosa već uplaćenih sredstava u Izvještaju za proteklu godinu su obrazložene i ugovorene buduće doznake grant sredstava koja će se transferisati i realizovati tek po dostavi faktura izvođača radova za ugovorene infrastrukturne projekte vodosnabdijevanja, kanalizacione mreže i drugih projekata.

Prenesena sredstva

Prenesena sredstva su u cijelosti iskazana u okviru Izvještaja o izvršenju Budžeta za 2025. godinu i ona iznose ukupno 6.862.134,05 KM. Kao što je to već naglašeno, ova sredstva su veća od prvobitno planiranog nivoa, zbog čega su na protekloj sjednici Općinskog vijeća usvojene izmjene i dopune Budžeta za 2026. godinu, u okviru kojih je izvršeno usklađivanje odgovarajućih budžetskih pozicija sa prenesenim ugovorima. U okviru rebalansa i Izvještaja za 2025. godinu data su pojašnjenja razloga prijenosa i njegov raspored u cjelini.

Kreditno zaduženje

U izvještajnom periodu je izvršeno povlačenje dijela kreditnih sredstava za plaćanje obaveza iz protekle godine od svega 22.124,96 KM. Dinamika povlačenja sredstava je direktno vezana za realizaciju rashodovne strane kapitalnog dijela Budžeta za projekt odvodnje i prečišćavanja otpadnih voda.

Izvještaj o ukupnom dugu za I kvartal 2026. godine se nalazi u materijalima.

Izvršenje rashodovne strane Budžeta

Rashodi, izdaci i povrat sredstava finansiranja su realizovani sa 42,15% linearno definisanog iznosa I kvartala 2026. godine.

Cjelokupno ostvarenje rashodovne strane Budžeta je dato u slijedećem tabelarnom pregledu uz iskazani procent ostvarenja u odnosu na linearno definisani nivo I kvartala i ukupan godišnji Budžet za 2026. godinu.

RASHODI, IZDACI I POVRAT SREDSTAVA FINANSIRANJA

TABELA 2.

EKONOMSKI KOD	RASHODI I IZDACI	BUDŽET ZA 2024. GODINU	LINEARNI IZNOS ZA I KVARTAL 2024. GODINE	OSTVARENJE ZA I KVARTAL 2024. GODINE	% IZVRŠENJA U ODNOSU NA GODIŠNJI PLAN (5/3)	% IZVRŠENJA U ODNOSU NA KVARTALNI PLAN (5/4)
1	2	3	4	5	6	7
611000	I SREDSTVA ZA PLATE I NAKNADE	4.670.000,00	1.167.500,00	1.099.687,90	23,55%	94,19%
613000	II SREDSTVA ZA MATERIJAL, ENERGIJU I USLUGE	6.015.000,00	1.503.750,00	861.276,38	14,32%	57,28%
613000	1. Direktni materijalni rashodi organa uprave	1.822.000,00	455.500,00	301.227,73	16,53%	66,13%
613000	2. Ostale usluge za opštedruštvene potrebe	4.193.000,00	1.048.250,00	560.048,65	13,36%	53,43%
614000	III TEKUĆI GRANTOVI (TRANSFERI), KAMATE I SREDSTVA REZERVE	8.600.000,00	2.150.000,00	1.617.067,39	18,80%	75,21%
614311	1. Grantovi mjesnim zajednicama	915.000,00	228.750,00	211.522,50	23,12%	92,47%
614200	2. Grantovi socijalne zaštite i pomoći	2.168.000,00	542.000,00	614.151,71	28,33%	113,31 %
614300	3. Grantovi za kulturu, obrazovanje i mlade	1.798.000,00	449.500,00	205.720,37	11,44%	45,77%
614300	4. Grantovi u oblasti sporta	983.000,00	245.750,00	198.516,62	20,19%	80,78%
614300	5. Grantovi udruženjima građana	222.000,00	55.500,00	37.400,00	16,85%	67,39%
614400	6. Grantovi podrške privredi i ostalo	2.154.000,00	538.500,00	344.756,19	16,01%	64,02%
616000	7. Kamate i operativna budžetska rezerva	360.000,00	90.000,00	5.000,00	1,39%	5,56%
821-615	IV KAPITALNI GRANTOVI (TRANSFERI) I IZDACI	20.047.000,00	5.011.750,00	599.728,18	2,99%	11,97%
821-615	1. Podrška projektima drugih izvora i utrošak namjenskih sredstava	7.541.000,00	1.885.250,00	106.081,28	1,41%	5,63%
821-615	2. Općinski projekti (novi projekti i nastavak započetih projekata)	6.675.000,00	1.668.750,00	386.552,87	5,79%	23,16%
821-615	3. Preostala kapitalna ulaganja i grantovi	5.831.000,00	1.457.750,00	107.094,03	1,84%	7,35%
823000	V POVRAT SREDSTAVA FINANSIRANJA	310.000,00	77.500,00	0,00	0,00%	0,00%
UKUPNO RASHODI, IZDACI I FINANSIRANJE		39.642.000,00	9.910.500,00	4.177.759,85	10,54%	42,15%

Bruto plate i naknade

Bruto plate i naknade se ostvaruju u nešto manjem obimu od planiranih iznosa. Ni jedna od stavki nije ostvarena sa prekoračenjem, a grupa u cijelosti je ostvarena sa 94,19% sredstava definisanih za I kvartal. U izvještajnom periodu je izvršen prijem jednog, uz odlazak tri uposlenika.

Sredstva za materijal, energiju i usluge

Sredstva za materijal energiju i usluge su ostvarena u manjem obimu od definisanog nivoa I kvartala. Ovo ostvarenje iznosi svega 57,28%. Za razliku od drugih stavki tekućeg dijela budžeta ovi rashodi se knjiže na osnovu pristiglih faktura. Značajan dio faktura nije pristigao u izvještajnom periodu (fakture koje se odnose na I kvartal pristižu tokom cijelog mjeseca aprila), tako da dio nastalih rashoda za koje fakture nisu pristigle nije ni knjižen. Radi se uobičajeno o računima za struju, vodu, telefon, poštanske usluge i slično.

Pored navedenog razloga dostave i knjiženja faktura, u okviru ove grupe dio sredstava koji se odnosi na opštedruštvene potrebe je ostvaren umanjeno i zbog dinamike realizacije. Radi se o tome da održavanje putne i druge infrastrukture teče po potpisivanju ugovora, nakon provođenja postupaka javne nabavke, a po sticanju uslova za realizaciju. Sve aktivnosti teku uobičajenom dinamikom.

Tekući grantovi i transferi

Tekući grantovi i transferi su ostvareni u manjem obimu od definisanog nivoa I kvartala. Ovo ostvarenje iznosi 75,21%.

U okviru ove grupe rashoda mogu se izdvojiti dva tipa doznake grantova. Prvu grupu čine grantovi koji se dodjeljuju direktno prema Odluci o izvršavanju budžeta i isti se realizuju u planiranom obimu. Radi se o grantovima mjesnim zajednicama (92,47%), grantovima socijalne zaštite i pomoći (113,31%) i grantovi udruženjima građana od posebnog značaja (85,45%).

S druge strane, grantovi koji se dodjeljuju putem provođenja javnih poziva zahtijevaju duži vremenski period za provođenje procedura, potpisivanje ugovora i konačnu dodjelu sredstava. Stoga su ovi grantovi u izvještajnom periodu realizovani u manjem obimu. Radi se o preostalim podgrupama: Grantovi za kulturu, obrazovanje i mlade (45,77%), Grantovi ostalim udruženjima građana (40,89%) i Grantovi podrške privredi i ostalo (64,02%).

Po okončanju javnog poziva, krajem marta je izvršeno potpisivanje ugovora sa 74 udruženja građana i sportska kluba, a za sufinansiranje 103 odobrena projekata. Nakon toga slijedi realizacije aktivnosti i doznaka sredstava sa planiranih budžetskih pozicija.

Dio grantova se dodjeljuje po realizaciji programa kao što je Program novčanih poticaja za unapređenje primarne poljoprivredne proizvodnje dodjelom sredstava korisnicima u zadnjem kvartalu po okončanju obrade zahtjeva (400.000,00 KM). Takođe, sredstva za sajamske aktivnosti od 100.000,00 KM će se realizovati u vrijeme organizacije sajma privrede u Tešnju i sajma pčelarstva u Tešnju u okviru III kvartala.

Sredstva Operativne budžetske rezerve u izvještajnom periodu su realizovana sa 2,5% planiranih sredstava, odnosno u visini od 5.000,00 KM. Na ovoj podgrupi nije bilo knjiženja kamata za 2026. godinu budući da se obračun i uplate vrše polugodišnje.

Kapitalni grantovi (transferi) i izdaci

Kapitalni dio budžeta je realizovan sa 11,97% planiranog iznosa I kvartala, a u istom periodu prethodne godine realizacija je iznosila 21,34%.

Manji procent realizacije ovog dijela budžeta je uobičajen zbog potrebnog vremena za provođenje postupaka javnih nabavki, perioda građevinske sezone i nemogućnosti radova u zimskom periodu, kao i zbog dinamike realizacije koja se često proteže na dvije i više budžetskih godina.

Realizovani dio kapitalnog dijela Budžeta se odnosi na ranije ugovorene i prenesene projekte iz 2025. godine. Ističemo da i u slučaju ove grupe rashoda i izdataka, kao i u slučaju materijalnih troškova, dio rashoda nije evidentiran jer se računi za izvedene radove u izvještajnom periodu dostavljaju i tokom aprila. Budući da se ovaj izvještaj radi u prvoj polovini aprila, ovaj dio i nije mogao biti evidentiran u izvještajnom periodu.

Kapitalni dio budžeta se u najvećem dijelu projekata realizuje uobičajenom dinamikom, ali se zbog eksternih faktora mogu javljati poteškoće koje dovode do eventualnih promjena u planiranim dinamikama.

Usporeni postupci javnih nabavki, kasnija dodjela grant sredstava po procedurama viših nivoa vlasti sa naknadnim uključivanjem projekata u okviru rebalansa budžeta doveli su do kasnijeg ugovaranja realizacije i prijenosa dijela projekata koji su iskazani u okviru Izvještaja o izvršenju Budžeta za 2025. godinu, koji je takođe na dnevnom redu ove sjednice Općinskog vijeća. Ova sredstva iznose 5.075.671,88 KM, a pored toga izvršene su nove rezervacije po pokrenutim postupcima javnih nabavki u 2026. godini, tako da realizovana i rezervisana sredstva u cjelini premašuju 7,4 miliona KM.

Potrebno je istaći da se kroz više budžetskih ciklusa planirani i odobreni projekti realizuju u cjelini i da se ni od jednog projekta nije odustalo. U slučaju postojanja blokada ili zastoja u realizaciji, kao što je to slučaj sa raskrslom Jelah, namjenska sredstva se planiraju i prenose u naredni budžet.


Povrat sredstava finansiranja

Servisiranje duga po kreditu EIB i datim garancijama u izvještajnom periodu nije bilo. Otplate po kreditu EIB se vrše polugodišnje, a zaduženja javnih preduzećima po datim garancijama Općine su još u toku.

Zaključak

Iskazano izvršenje I kvartala daje uobičajenu sliku realizacije u skladu sa utvrđenim dinamikama, bez posebnih odstupanja i oscilacija koje su pratile ranije godine. U cijelosti izvršenje ovog kvartala je skoro identično izvršenju istog perioda prethodne godine. Razlika se javila jedino u planiranom i ostvarenom prijenosu ugovorenih projekata, tako da se već u martu tekuće godine pristupilo izradi izmjena i dopuna Budžeta kako bi se preneseni projekti uključili u tekući budžet.

OBRADIVAČ
Služba za finansije, privredu,
komunalne i inspeksijske poslove



Amel Karahmet, dipl.oec.



OPĆINSKI NAČELNIK

Mr. sci. Suad Huskić